

1^v

GVnftiger frommer Lefer/ es ift leyder gnug^s
 fam am Tage/ das alle Prophezeiungen vnd Weiffa^s
 gungen die vnns Chriftus JEFus auch andere Vätter
 vn Propheten vorlångft Propheceyet haben/ von fchröcklichen
 Vnfall vnd verenderungen der Welt/ erfüllet feyn/ vnd wer^s
 den/ kan auch difer Welt vntergang nicht fern fein/ vnnd die
 leng auffen bleiben/ weil die Prodromi vnd vorboten/ meiften
 theils verhanden/ Dann Zeichen gefchehen am Himmel/ vnd
 auff Erden/ Kriegs gefchrey/ Lermen Vngehorfam/ Meiney^s
 digkeit/ Thewrung/ Peftilentz/ groffe Winde/ Fewer vnnd ge^s
 fährliche Brunften/ Waffer ergießung vnd Fluten Erdbeben/
 Tyranny/ 7c. Nimet von tag zu tag überhand/ So höret man
 Vntrew/ Vnglauben/ Ketzerey/ Rotten vnd Secten/ 7c. in al^s
 len Landen/ das dem Menfchen für groffen Bedrengniß aller^s
 lerley vnvals vnd übels bange ift/ das Elend auff Erden lenger
 zu bawen.

Doch können folche vnd dergleichen vnfälle vnd übel vor^s
 kömen/ vnd abgewendet/ die Welt auch in guten wesen lenger
 gefruchtet/ vnnd wie der König Hiskia im Leben lenger erhalten
 werden/ wann wir vns durch ware Pœnitentz vnd buß mit vn^s
 ferm gerechten vnd zornigen Gott verlönen/ vnd vns in ein bef^s
 fer Chriftliches Leben bekehren/ daher vns Gott trewlich war^s
 net/ Thut buß (fpricht er) den das Reich Gottes nahet fich/
 Item/ wachet vnd betet/ den jhr wiffet weder tag noch ftund/
 wen der Herr kommen wird/ vnd abermals/ thut buß/ den die
 Art ift allbereit an Baum gelegt/ der Bogen ift gefpannet/ vnd
 darauff gifftige Pfeil bereit/ thut guts fpricht Paulus/ weils
 euch vergunnet/ vnd jhr in der gnaden Zeit leidt/ denn die zeit ift
 kurtz/ vnd es wird die ftunde vnd zeit kömen/ da man nicht mehr
 bufte thun noch arbeiten könne/ 7c.

Das wollen fromme Chriften zu Hertzzen nemen/ jhr Le^s
 ben

2^r

ben darnach anstellen/ vnd beffern/ auch auß trewhertziger war-
nung es jhnen laffen gefagt sein.